



咨




大總統咨參議院特派秘書長賚送袁總統在北京受職誓書文

茲由蔡專使元培等賚回袁大總統在北京受職誓書特派秘書長胡漢民送交貴院保存此咨

大總統咨參議院抄送財政部呈送釐定中國銀行則例請議決文

茲據財政總長陳錦濤呈將釐定中國銀行則例繕具清單請咨交貴院議決等由前來相應咨送貴院請煩議決咨覆以便轉飭遵行此咨

計鈔送財政部呈送釐定中國銀行則例清單一件



令示



大總統令上海通商交涉使迅查商人梁祖祿呈稱承辦墾牧迭被奸

商捏控情形文

據商人梁祖祿呈稱承辦江蘇句容縣屬墾牧事業迭被奸商捏控等由前來其中轉轄甚多非澈查不能明晰爲此令仰該交涉使迅即查明呈覆以憑核辦原呈及合同字據

二摺一併發交此令

計發交原呈一件合同字據二件

大總統令陸軍部飭查墾牧公司曹錫圭請設督墾營地局文

據安甯墾牧公司經理人曹錫圭呈稱擬招集資本設立陸軍部督墾營地局並請派員
帮理發給關防擬就開辦簡章呈請核示等情前來查所請係爲墾植荒地安插游民起
見用意至堪嘉美惟營地牧場校場等地開墾種植於軍用有無阻礙其簡章所定行之
有無流弊所請派員帮理發給關防可否准行之處仰該部會同內務部妥籌盡善再行
飭知該商遵照辦理可也原呈并發此令

大總統令內務部轉飭南京府知事辛漢遵照批示赴任文

頃據南京府知事辛漢呈請辭職前來除批示悉任宜惟賢本不限乎區域昨經內務部
薦任該員接充南京府知事一職當經本總統發給委任狀在案茲閱來呈以頻年遊學
在外於地方情形未能諳悉力辭今職該員學優而仕正宜爲父母之邦力謀幸福即使
見聞偶有未周父老鄉人斷無有不竭誠相告者兼聽則明古有明訓何所容其顧慮卽

赴新除展乃抱負所請辭職之處應毋庸議外合行令仰該部轉飭該知事遵照批示尅日赴任受事可也此令

大總統批參謀部次長鈕永建請辭職并請處分報告不慎罪狀呈

兩呈均悉該次長參贊戎機宣力民國兩月以來克盡厥職際茲共和統一戰事告終大局雖已漱平軍備尙多籌畫允宜同心戮力共濟時艱勉力前途毋負委任所請辭去參謀部次長及呈請嚴予處分之處應毋庸議此批

大總統批劉紹基等請飭辛漢接任南京府知事呈

呈悉前據南京府知事辛漢呈請辭職前來當經本總統批示慰留在案至所稱南京府歸併江甯民政長一節係外間揣度之辭該秘書等身任職官何得遽信風說自生驚擾著併知照此批

大總統復蜀鎮撫使解釋公文程式署名電文

蜀軍政府夏鎮撫使之時鑒艷電悉公文程式必須蓋印書名者所以示負擔責任分晰權限之至意行政階級既有上下之分卽有命令服從之別此公文格式所以有咨呈令

等之區分然負責任分權限之精意初不因行政之階級而生歧異之點亦不致以對於下級官署公文署名遂損上官之尊嚴也總統孫文

內務部令江寧巡警總監撤去各寺觀等所供前清萬歲牌文

照得昨日有本部部員道經鐘鼓樓遊眺見頂層中間供桌上設有萬歲牌一座上題今上萬歲等字樣該部員以吾華現已建設共和國不應更供此牌當經告知附近街警即時將牌撤去並囑其送至貴總局呈報等情據該部員回部報告前來查此等萬歲牌前清時各處寺觀廟宇類多有之或稱今上萬歲或題皇帝萬歲款式不一大都皆諛媚君上之詞安可聽其存留於民國時代該部員告知街警即時撤去所見甚是惟鐘鼓樓之牌雖已撤去恐別處寺觀廟宇不免仍有遺留合特令知仰即令行區巡各員通飭長警將該管各區內所有寺觀等類逐一查明如有供設此項萬歲牌者立即撤去銷燬毋稍漏略此令

內務部令江寧巡警總監限制巡警蓄髮文

查江寧巡警雖早一律剪髮惟短長不一甚有留至兩三寸者披垂帽外殊於觀瞻不雅

夫巡警含有軍人性質東西各國對於巡警蓄髮本皆有一定限制類不過一二分至長四五分而止南京爲建都地點中央巡警將爲各省楷模蓄髮一層理宜規定茲經酌核應以五分爲限不得再爲蓄長今特令知仰卽令行區巡各員通飭長警人等一律遵照毋任玩違切切此令

內務部批胡琪等創設赤十字社請立案呈

呈及紀實均悉查武漢起義以來東南各省死傷相藉該社以私人團體無尺寸之憑依辦理治療掩埋救濟各善舉其對於民國之功績久爲各界所公認似此熱忱毅力勉爲善舉所請立案一節自應照准以昭勸善之至意并仰將該社章程呈案查核可也此批

內務部批中華民國藥學會請立案呈

呈及會章均悉查藥學一科於國計民生關係至大近年東西各國與農工理醫並重特設專門學校以造就人材且有藥學會聯合國內專家悉心研究故其學愈精收效甚偉吾國向無是學尤不知藥學會爲何物該會熱心提倡不令東西人士專美於前好學深思實堪嘉尙亟應准予立案以資鼓勵此批

司法部批江寧地方檢察廳兼審判研究所所長劉煥請立案呈

呈悉該學員等以法政學校與所學課程不同爲謀各科學統一起見擬籌自費組織審判研究所由該所長擔任義務照舊開辦補習實堪嘉尙所請應准立案可也此批

司法部批江南開通法政學堂監學商寅等開辦司法警察研究所請立案呈

呈並簡章均悉該監學等組織司法警察研究所擇期開辦招生研究司法警察事屬可行應准立案惟章程過於簡單未盡詳明應卽重行規定以爲將來監督其行爲之根據至第一條專爲養成司法警察官吏等語應改爲專爲研究司法警察學術以備各地方司法官廳取用等字方與該所之名義相符又第五條由地方民政長文送學生一層查該所純係私法人性質不能直接地方民政長請其文送學生所擬殊未盡協仰卽一並更改詳定章程呈候核奪仍報江蘇都督查核此批

司法部批法政畢業生楊大燮請開辦監獄學校呈

稟及簡章均悉該生擬辦江南監獄學校以養成監獄專門人才稟請立案應卽照准簡

章存此批

司法部批金陵法政學校請立案呈

呈摺均悉該校前因兵事暫停功課現因民國成立擬仍照舊開辦所請立案之處應即照准此批

實業部批無錫墾牧股份有限公司創辦人薛光鏗等請立案呈

來呈及章程均悉振興實業爲目前切要之圖該創辦人厚集股本購買荒田從事墾牧爭利於地無損於人積少成多既衆擎之易舉化荒爲熟自成效之堪期應即准予立案并暫給執照一紙以資信守所請轉飭保護之處仰即逕行呈請該管地方民政長查核辦理可也此批

實業部批黃靖海創興實業抄粘契約執照請立案呈

據呈已悉該員在前清宣統二年二月承領惟政鄉地三十餘畝原爲興辦樹藝時閱兩載迄未舉辦徒採掘泥土與原意大相刺謬所陳泥土含有砂質可代米粉以製酒麵未免荒誕按化學作用以石灰加入酒醪中爲中和或澄清之作用誠或有之若謂以礦物

質之矻質可代有機質之米粉製造酒麵使發生酵母分泌酵素釀成酒類實屬駭人聽聞如果有其事誠爲世界上一大發明仰即將麵泥品質製麵方法釀酒時麵泥之作用等詳細呈報再予立案可也此批

實業部批華僑積聚興業銀公司總理徐銳請立案並給示保護呈

據呈暨開辦章程及前清各督撫批詞各一扣均悉該公司以聯合團體之方針收振興實業之妙用意美法良深堪嘉尙既經開辦有年自應准予仍前辦理本部正在修訂實業銀行暨公司註冊各章程仰候頒行後一律遵行所請保護一節并希派人來部呈明分行所數及其地址祇候發給示諭並咨行沿江各省都督一體飭屬保護可也此批

實業部批涂黃閣續上松苓富有新書呈

呈悉出版自由文明公例毋庸瀆請本部核准仰自行刊發可也稿本發還此批



紀事

陸軍部呈請大總統照案給卹總參謀王家駒卹金並附祀忠烈祠文

案據前充山西朔方招討使孔庚稟稱竊庚死友王家駒湖北隨州人先在北京軍官學

校教官講習所武漢起義日謀歸里助戰苦道阻不得達適吳祿貞糾合東北各路民軍爲直搗幽燕之舉召王爲參謀吳被刺王入山西經閻都督委爲行軍參謀率兵攻克寧武懷仁大同一帶以功升總參謀兼四標統帶遂由虎谷渡河略取河西蒙古地賊聞驚潰益進佔薩城托斯和等處不料孤軍深入彈盡援絕爲敵彈貫腦而死查該總參謀忠勇性成前後十餘戰無不身先士卒至捐軀報國功雖未竟其志亦可悲矣庚與王共事日久知其顛末最悉籲懇據情轉呈請卹等情據此查本部前痛各烈士死事之慘曾擬陣亡給卹專條並電商各省都督迅將亡清昭忠等祠改爲大漢忠烈祠俾死義者一體入祀呈請批准各在案今據孔庚具呈前情本部覆覈無異理合呈請大總統鑒核准將總參謀王家駒照左將軍例優給陣亡一次卹金一千二百元遺族每年卹金七百元並准附祀晉鄂兩省忠烈祠以示褒獎之處出自鈞裁實爲公便此呈

陸軍部電黎副總統詳陳王家駒義烈顛末請飭保護遺族文

急武昌黎副總統并軍務部長會張蔣諸公鑒頃據前充山西朔方招討使孔庚與陸軍部公函稱死友王家駒湖北隨州人先在北京軍官學校教官講習所武漢起義日謀歸

里助戰苦道阻不得達適吳公祿貞糾合東北各路民軍爲直搗幽燕之計召王爲參謀吳被刺王入山西經閻都督委爲行軍參謀率兵攻克寧武懷仁大同一帶以功升總參謀兼四標統帶遂由虎谷渡河畧取河西蒙古地賊聞驚潰益進佔薩地托斯和等處不料孤軍深入彈盡援絕爲敵彈貫腦而死該總參謀忠勇性成前後十餘戰無不身先士卒至捐軀報國功雖未竟其志可悲庚與王共事日久知其顛末最悉云云查王君至性純篤前與作賓等同學日本士官學校素爲同人所欽佩茲聞以勇戰捐軀暴骨塞外實堪嘆惋除已由陸軍部從優撫卹外特先電陳顛末並請飭隨州地方官妥慎保護其遺族藉慰烈士在天之靈公義私誼感且不朽蔣作賓何成濬覃師範陳裕時張華輔李實茂陳乾萬廷獻徐家瑤耿觀文李書城吳祐貞徐定清金永炎李浚陳模等

交通部電袁總統飭帛黎電上海郵局囑前派學生二人回局學習文

北京袁大總統鈞鑒前由部中派學生二名到上海郵政局學習郵政經部員與該局洋總辦議妥辦法乃該生入局將及一旬忽傳北京帛黎命令囑其卽日出局查上海郵政局乃中華民國之郵政局帛黎乃中華民國延用之人專擅如此殊屬不合敬請飭下帛

黎電上海郵政局囑該學生即日回局學習以重主權而尊國體爲幸交通部咸

財政部爲另刊新模鑄紀念幣電鄂粵等省各造幣廠文

湖北廣東等省各造幣廠長鑒新國既成幣制宜速統一惟統一必自定本位始然金本位或金匯兌本位皆須先有大宗儲金萬難猝辦當此新舊交換時代惟有暫就舊章另刊新模鑄作紀念幣俟時局大定儲金有着再行籌酌現在規定紀念幣鋼模造就即行寄交照鑄財政部陽

交通部電張季直物色商船校長以憑委任文

上海小東門沿濱大生紗廠賬房張季直先生台鑒現據商船學校全體學生等函稱該校爲公籌款組織近因費絀停課且有議將專科學生改入路電二科之說等情查此項學校鑄造航業人材爲現時所亟需創始之難成立之不易如中道廢輟實屬可惜擬請我公代爲物色校長本部當速委任俾資整頓所需經費卽由該校長切實核計部中自當儘力籌備期盡補助之義想公經始於先自樂維持於後務望迅加遴選電示俾得早日開學翹盼實深至該生等函稱監督唐君文治曾向本部呈請撥款一節查本部并未

接有唐監督來文合併陳明交通部印鹽

蜀軍政府鎮撫使夏之時呈請核示公文程式電文

大總統鑒前奉頒公文程式第三條凡公文程式皆蓋印署名案祇云署名而未分別上下級之界限閱臨時政府公報載內務部委任南京知事令稱內務部總長程德全云云內務部通飭保護人民財產令稱內務部總長程德全咨行事云云是上級對下級與兩級平行皆須署名也又查教育部上副總統咨各省都督是通飭教育暫行辦法及課程標準稱教育部總長蔡爲呈送事教育部總長對於副總統顯係下級自應署名其對各省都督係平行照公文程式亦應署名今署姓而不署名未知與公文程式合否又與程總長之署名者共揭報端未知究應何從且上級公署對於下級公署之公文亦須署名不識用意所在若謂民國無等級上下之分上下相對若一何以公文程式又明列上級下級等字樣又何以以上級對下級之公文用諭用令下級對上級及平行之公文用呈用咨顯有上下等級不同之別又公文程式皆係署名又不知諭令普通人民之公文仍須署名否查公報暫定則例第五條政府對於各地所發命令或宣布法律凡登載本報

者公文未到以前以本報到後爲有效準公報則例凡公報所載一切法令無論何省皆當遵守以符第五條公文未到以前以本報到後爲有效之例近日各行政機關閱見公報以其登載文件前後歧異未審究何適從紛紛向本軍政府詰問苦難答覆用特奉詢請速詳示以便遵守而期劃一盼切禱切蜀軍政府夏之時叩豔叩

正誤

本報第四十二號第三頁第三行（豈惟有虧國體）之下應作（亦殊慘絕人道本總統痛心疾首殷念不忘）排版時顛倒位置亟更正






臨時政府公報 附錄

中華民國元年三月二十一日 星期四

隨報附出 不另徵費



電報



北京袁大總統鑒郵政總辦帛黎前於郵票上蓋印臨時中立字樣經外交部交通部令其抹去此四字加印中華民國字樣於上惟伊現在仍不將臨時中立四字抹去遂成中華民國臨時中立八字實屬有碍國體聞已頒發數省應請卽令帛黎轉電各處必須無臨時中立字樣方許發行盼覆孫文皓

(南京去電三十四)

上海各報館公鑒電悉經由同盟會本會監事查復廣東七十二行商報九日所載南京同盟會本部廣東分會歌電一節本部并未發過此項電文在甯本部亦無各省分會之組織該報所載實與本會無涉特此聲明至該報有無得過此項電文及何人妄用本部分會名義應再澈查先此答覆孫文皓

(南京去電三十五)

孫大總統黃參謀總長武昌黎副總統鑒前接甘肅藩司趙惟熙代表全省官吏諮議局

張林焱代表全省紳民嘯電近得吉電知各省一律認允改建政體甘肅民紳會議亦願承認共和特此電聞再長庚已請開缺又藩司率司道等電稱此間自奉廿六日鈞電卽與陝軍開議盡籌辦法陸續裁遣軍隊庶不致別生枝節又陝甘官紳來電云已撤兵大局可望敕平又趙護軍使倜文電甘軍升馬二處倜到西安卽修函與陳大義刻接回函似可就我範圍倜明日卽赴咸陽相機辦理等語特聞袁世凱洽印（北京來電三十六）



告白

總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

中華民國實業部附設實業公報簡章

本報爲中華民國實業部之機關報故名曰實業公報

本報以宣布實業法令灌輸實業學識爲宗旨

本報暫定門類如左（無則姑闕）

甲 圖畫
乙 法令
丙 著論
丁 譯述
戊 調查
己 電報
庚 紀事
辛 雜錄

本報爲發展全國實業起見凡外來文稿於實業有關係者當擇要登載酌量酬謝未登者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請

領者照五折徵費實業學生聯名請領者十份以上八折五十份以上七折百份以上六折

外交部廣告

本部於三月二日遷鼓樓前獅子橋所有電報公文各項函件希按址投遞爲盼

臨時政府公報局告白一

各省官廳所有暫行條例命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉覘地方之情況而彰民治之精神

臨時政府公報局告白二

各處有願爲公報販買所者可將領報份數及販買區域本人之姓名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條卽飭發行所照寄空函定報概不答覆

本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其
子目見前
- 四 本報日出一册如遇國家紀念日星期日政府停止辦公時本報亦休
刊一日
- 五 政府對於各地所發令示或宣布法律凡登本報者公文未到以本報
到後爲有效
- 六 凡各官署皆有購閱本報之義務唯具印文請領者皆照定價五折徵
納餘另詳前價目表

本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

外埠經售處

鎮江 興漢日報

常州 大街老王大昌

無錫 光復門內新橋二十一號會瑞武

蘇州 城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海 賈善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

自由新報

檀香山

印刷所 臨時政府印鑄局工廠